

D Gaugesumpfer gö z Chile

Am 10. Februar am 5i hei mir üs im Üebigsrum troffe zum schminke.

Hüt geits uf Ufhuse id Chile. Öppis ganz spezieus! Womer fertig si gsi mit schminke heimer üsi Sache packt u si mitem Ahänger u de Outos uf Ufhuse gfahre.

Nachem uslade isches mitemne Izug id Chile losgange.

D Chuchi het chli Müeh gha d Rampi uf u düre Igang vor Chile isch sie ou nid gange.

De „Lion“ het du haut chli angers tönt aus süsch.

Nachem erschte Lied heimer i der vorderschte Reihe chönne go abhocke. Oder äch doch nid?

Nei! Mir hätte nid söue abhocke sondern blibestoh. Bis mir du das begriffe gha hei, isches du ou z spät gsi.

D Lieder womer gspiut hei i der Chile hei super tönt. D Uswau vo de Stück isch ou super gsi.

Danke Lisi!

Mitemne Uszug bis vor d Chile und emene abschliessende Platzkonzärt heimer dä Uftritt beändet. De Obe isch mitemne Aperö beändet worde. Aues i auem isches e intressante Obe gsi u einisch öppis angers.

Jenni Däster